

繹史卷二十五

三代第十五

成康繼治

新書周成王年六歲卽位享國親以其身見於粥子之家而問焉曰昔者先王與帝修道而道修寡人之望也亦願以教敢問興國之道奈何粥子對曰唯疑請以上世之政詔於君王政曰興國之道君思善則行之君聞善則行之君知善則行之位敬而常之行信而長之則興國之道也周成王曰受命矣周成王曰敢問於道之要奈何粥子對曰唯疑請以上世之道詔於君王政曰爲人下者敬而肅爲人上者恭而仁爲人君者敬士愛民以終其身此道之要也周成王曰受命矣周成王曰敢問治國之道若何粥子曰唯疑請以上世之政詔於君王政曰

治國之道上忠於主而中敬其士而下愛其民故上忠其主者
非以道義則無以入忠也而中敬其士則不以禮節無以諭敬
也下愛其民非以忠信則無以諭愛也故忠信行於民禮節諭
於士道義入於上則治國之道也雖治天下者由此而已周成
王曰受命矣 周成王曰寡人聞之有上人者有下人者有賢
人者有不肖人者有智人者有愚人者敢問上下之人何以爲
異粥子對曰唯疑請以上世之政詔於君王政曰凡人者若賤
若貴若幼若老聞道志而藏之知道善而行之上人矣聞道而
弗取藏也知道而弗取行也則謂之下人也故夫行者善則謂
之賢人矣行者惡則謂之不肖矣故夫言者善則謂之智矣言
者不善則謂之愚矣故智愚之人有其辭矣賢不肖之人別其

行矣上下之人等其志矣周成王曰受命矣 周成王曰寡人
聞之聖人在上位使民富且壽云若夫富則可爲也若夫壽則
不在於天乎弼子曰唯疑請以上世之政詔於君王政曰聖王
在上位則天下不死軍兵之事故諸侯不私相攻而民不私相
鬪鬪不私相殺也故聖王在上則民免於一死而得一生矣聖
王在上則臣積於道而吏積於德而民積於用力故婦爲其所
衣丈夫爲其所食則民無凍餒矣聖王在上則民免於二死而
得二生矣聖王在上則君積於仁而吏積於愛而民積於順則
刑罰廢矣而民無大過之誅故聖王在上則民免於三死而得
三生矣故聖王在上則使民有時而用之有節則民無厲疾故
聖王在上則民免於四死而得四生矣故聖王在上則使盈境

內興賢良以禁邪惡故賢人必用而不肖人不作則已得其命矣故夫富且壽者聖王之功也周成王曰受命矣

○新書所載當在舊子書而今本無之蓋

闕亡矣賈傳去古猶

近應及見全書也

說苑成王問政於尹逸曰吾何德之行而民親其上對曰使之

以時而敬順之忠而愛之布令信而不食言王曰其度安至對

曰如臨深淵如履薄冰王曰懼哉對曰天地之間四海之內善

之則畜也不善則讎也夏殷之臣反讎桀紂而臣湯武風沙之

民自攻其主而歸神農氏此君之所明知也若何其無懼也

○尹逸卽

史逸亦曰史佚

漢書尹佚二篇

詩閔予小子遭家不造嬛嬛在疚於乎皇考永世克孝念茲皇

祖陟降庭止維予小子夙夜敬止於乎皇王繼序思不忘訪

予落止率時昭考於乎悠哉朕未有艾將予就之繼猶判渙維
予小子未堪家多難紹庭上下陟降厥家休矣皇考以保明其
身敬之敬之天維顯思命不易哉無曰高高在上陟降厥士
日監在茲維予小子不聰敬止日就月將學有緝熙于光明佛
時仔肩示我顯德行予其懲而毖後患莫予荇蜂自求辛螫

肇允彼桃蟲拚飛維鳥未堪家多難予又集于蓼

詩序閔予小子嗣王朝于廟也訪落嗣

王謀于廟也敬之羣臣進戒嗣王也小慈嗣王求助也

思文后穆克配彼天立我烝民莫匪爾

極貽我來牟帝命率育無此疆爾界陳常于時夏

詩序思文后穆配天也○韋昭云納夏一

名渠呂叔王曰渠思文也

嗟嗟臣工敬爾在公王釐爾成來咨來茹嗟嗟係介

維莫之春亦又何求如何新畬於皇來牟將受厥明明昭上帝

迄用康年命我衆人痔我錢鏹奄觀銍艾噫嘻成王既昭假

爾率時農夫播厥百穀駿發爾私終三十里亦服爾耕十千維

耦豐年多黍多稌亦有高廩萬億及秭爲酒爲醴烝畀祖妣

以洽百禮降福孔皆載芟載柞其耕澤澤千耦其耘徂隰徂

畛侯主侯伯侯亞侯旅侯彊侯以有飡其饁思媚其婦有依其

士有略其耜俶載南畝播厥百穀實函斯活驛驛其達有厭其

傑厭厭其苗緜緜其庶載穫濟濟有實其積萬億及秭爲酒爲

醴烝畀祖妣以洽百禮有飡其香邦家之光有椒其馨胡考之

寧匪且有且匪今斯今振古如茲粃粃良耜俶載南畝播厥

百穀實函斯活或來瞻女載筐及筥其饌伊黍其筮伊糾其鉶

斯趙以薊荼蓼荼蓼朽止黍稷茂止穫之挈挈積之栗栗其崇

如墉其比如櫛以開百室百室盈止婦子寧止殺時惇牡有捄

其角以似以續續古之人

詩序臣工諸侯助祭遣於廟也○朱子曰序誤此戒農官之詩 噫嘻春夏祈穀于上帝也○朱子曰序誤此

亦戒農官之詩 豐年秋冬報也○朱子曰序誤 載芟春耕藉田而祈社稷也 良耜秋報社稷也○朱子曰兩篇未見其有所報之異或疑思文臣工噫嘻豐年載芟良耜即所謂臨頌者

史記既絀殷命襲淮夷歸在豐作周官興王禮樂度制於是改

而民和睦頌聲興

○周官見前卷

成王作頌推已懲艾悲彼家難可不

謂戰戰恐懼善守善終哉

○正義曰言成王作頌悲文王戰戰恐懼推已戒勵為治是善守善終也

呂氏春秋成王立殷人反王命周公踐伐之商人服象為虐於

東夷周公遂以師逐之至於江南乃為三象以嘉其德

詩於穆清廟肅雝顯相濟濟多士秉文之德對越在天駿奔走

在廟不顯不承無射於人斯

詩序清廟祀文王也周公既成洛邑朝諸侯率以祀文王焉

維天之命

於穆不已於乎不顯文王之德之純假以溢我我其收之駿惠

我文王曾孫篤之

詩序維天之命太平告文王也

維清緝熙文王之典肇禋迄用

有成維周之禎

詩序維清奏象舞也

烈文辟公錫茲祉福惠我無疆子孫保

之無封靡于爾邦維王其崇之念茲戎功繼序其皇之無競維

人四方其訓之不顯維德百辟其刑之於乎前王不忘

詩序烈文成王即政諸侯

助祭也○朱子曰詩中未見即政之意

天作高山大王荒之彼作矣文王康之彼徂矣

岐有夷之行子孫保之

詩序天作祀先王先公也

昊天有成命二后受之成王

不敢康夙夜基命宥密於緝熙單厥心肆其靖之

詩序昊天有成命郊祀天地也○朱子曰

此康王以後祀成王之詩

我將我享維羊維牛維天其右之儀式刑文王之典

日靖四方伊嘏文王既右享之我其夙夜畏天之威于時保之

詩序我將祀文王於明堂也

執競武王無競維烈不顯成康上帝是皇自彼成

康奄有四方斤斤其明鐘鼓喤喤磬筦將將降福穰穰降福簡

簡威儀反反既醉既飽福祿來反

詩序執競祀武王也○朱子曰此昭王以後之詩

振鷺于飛

于彼西雝我客戾止亦有斯容在彼無惡在此無數庶幾夙夜

以永終譽

詩序振鷺二王之後來助祭也

有瞽有瞽在周之庭設業設虞崇牙樹

羽應田縣鼓鞀磬祝圉既備乃奏簫管備舉嚶嚶厥聲肅雝和

鳴先祖是聽我客戾止永觀厥成

詩序有瞽始作樂而合乎祖也

倚與漆沮潛有

多魚有鱣有鮪鰪鱮鰻鯉以享以祀以介景福

詩序潛季冬薦魚春薦鮪也

有

來雝雝至止肅肅相維辟公天子穆穆於薦廣牡相予肆祀假

哉皇考綏予孝子宣哲維人文武維后燕及皇天克昌厥後綏

我眉壽介以繁祉既右烈考亦右文母

詩序雝禘大祖也

載見辟王曰求

厥章龍旂陽陽和鈴央央儼革有鷁休有烈光率見昭考以孝

以享以介眉壽永言保之思皇多祐烈文辟公綏以多福俾緝

熙于純嘏

詩序載見諸侯始見乎武王廟也

絲衣其紕載弁俅俅自堂徂基自羊徂

牛鼎鼎及鼎兕觥其觥旨酒思柔不吳不敖胡考之休

詩序絲衣繹賓尸也高子

曰靈星之尸也○朱子曰此亦祭而飲酒之詩序誤高子尤誤按毛鄭舊說定以頌為成王時周公所作故頌中有成王及成康字皆曲為之說歐陽公著時世論以尸之朱子論之詳矣

史記成王既伐東夷息慎來賀王賜榮伯作賄息慎之命

書序成王既伐

東夷肅慎來賀王俾榮伯作賄肅慎之命○其篇亡

說苑成王時有三苗貫桑而生同為一秀大幾盈車民得而上

之成王成王問周公此何也周公曰三苗同秀為一意天下其

和而為一乎後三年則越裳氏重譯而朝曰道路悠遠山川阻

深恐一使之不通故重三譯而來朝也周公曰德澤不加則君

子不響其質政令不施則君子不臣其人譯曰吾受命於吾國

之黃髮久矣天之無烈風淫雨意中國有聖人邪有則盍朝之

然後周公敬受其所以來矣

韓詩外傳越裳氏重九譯而至獻白雉於周公譯曰吾受命國之黃髮日久矣天之不迅風疾雨也海不

波濤也三年於茲矣意者中國殆有聖人並征朝之於是來也

公輔成王越嘗重九譯而來獻白雉周公乃披琴歌之曰其

德也遂受之獻於文王之廟

郊祀后稷越裳奉貢重譯而來獻白雉周公乃披琴歌之曰其

古今注周公治致太平越裳氏重譯來貢白雉一黑雉二象牙

一使者迷其歸路周公錫以文錦二疋駟車五乘皆為司南之

制使越裳氏載之以南緣扶南林邑海際暮年而至其國使大

夫宴將送至國而還亦乘司南而背其所指亦暮年而後至始

制車轄轄皆以鐵還至鐵亦銷盡以屬巾車氏收而藏之常為

先導示服遠人而正四方

論衡周時天下太平越裳獻白雉倭人貢鬯草

說文鸞亦神靈之精也赤色五采雞形鳴中五音頌聲作則至

周成王時氏羌獻鸞鳥

尚書中候周公歸政于

成王太平制禮鸞鳥見

宋符瑞志越裳周公

時來獻白雉象牙

宋符瑞志越裳周公

時來獻白雉象牙

宋符瑞志越裳周公

宋符瑞志越裳周公

述異記 周成王時東夷送六角牛

周書 周室既寧八方會同各以其職來獻欲垂法厥後作王會成周之會墀上張赤奕陰羽天子南面立纔無繁露朝服八十物搢挺唐叔荀叔周公在左太公望在右皆纔亦無繁露朝服七十物搢笏旁天子而立於堂上堂下之右唐公虞公立焉堂下之左殷公夏公立焉皆南面纔有繁露朝服五十物皆搢笏爲諸侯之有疾病者阼階之南祝淮氏榮氏次之皆西南彌宗旁之爲諸侯有疾病者之醫藥所居相者太史魚大行人皆朝服有繁露堂下之東面郭叔掌爲天子棗幣焉纔有繁露內臺西面者正北方應侯曹叔伯舅中舅比服次之要服次之荒服次之西方東面正北方伯父中子次之方千里之外爲比服方

千里之內爲要服三千里之內爲荒服是皆朝於內者堂後東北爲赤舂焉浴盆在其中其西天子車立馬乘亦青陰羽鳧旌中臺之外其右泰土臺右彌土受贄者八人東面者四人陳幣當外臺天玄嬸宗馬十二王玄繚碧基十二參方玄繚璧豹虎皮十二四方玄繚璧琰十二外臺之四隅張赤舂爲諸侯欲息者皆息焉命之曰爰閭周公旦主東方所之青馬黑嬸謂之母兒其守營牆者衣青操弓執矛西面者正北方稷慎大塵穢人前兒前兒若獼猴立行聲似小兒良夷在子在子□身人首脂其腹炙之霍則鳴曰在子揚州禺禺魚名解險寇發人鹿鹿者若鹿迅走兪人雖馬青丘狐九尾周頭輝玆輝玆者羊也黑齒白鹿白馬白民乘黃乘黃者似麒麟皆有兩角東越海蛤歐人蟬

蛇蟬蛇順食之美姑於越納口姊妹珍且歐文蜃若人玄貝海
陽大蜃自深柱會稽以輶皆西嚮正北方義渠以茲白茲白者
若白馬鋸牙食虎豹史林以尊耳尊耳者身若虎豹尾長三尺
其身食虎豹北唐戎以閭閻以險冠渠叟以鼪犬鼪犬者露犬
也能飛食虎豹樓煩以星施星施者珥旄十盧以牛牛者牛之
小者也區陽以鼃封鼃封者若鼃前後有首規矩以麟麟者獸
也西申以鳳鳥鳳鳥者戴仁抱義掖信歸有德丘羌鸞鳥巴人
以比翼鳥方揚以皇鳥蜀人以文翰文翰者若臯雞方人以孔
鳥卜人以丹沙夷用閭采康民以桴苴桴苴者其實如李食之
宜子州靡費費其形人身枝踵自笑笑則上唇翕其目食人北
方謂之吐嚙都郭生生若黃狗人面能言奇幹善芳善芳者頭

若雄雞佩之令人不昧皆東嚮北方臺正東高夷獫羊獫羊者
羊而四角獨鹿叩叩距虛善走也孤竹距虛不令支玄模不屠
何青能東胡黃羆山戎菽其西般吾白虎屠州黑豹禺氏騶駼
大夏茲白牛犬戎文馬而赤鬣縞身目若黃金名古黃之乘數
楚每牛每牛者牛之小者也匈戎狡犬狡犬者巨身四尺果皆
北嚮權扶三目白州北閭北閭者其革若干伐其木以爲車終
行不敗禽人管路人大竹長沙鼈其西魚復鼓鐘鐘牛蠻揚之
翟倉吾翡翠翡翠者所以取羽其餘皆可知自古之政南人至
衆皆北嚮

○西旅貢獒而太保進誠成周王會乃如此斥大哉逸周書失實居然可知
拾遺記成王卽政三年有泥離之國來朝其人稱自發其國嘗從雲裏而行聞

雷霆之聲在下或入潛穴又聞波瀾之聲在上視日月以知方國所向計寒暑以知年月考國
之正朔則序曆與中國相符王接以外賓禮也四年旃塗國獻鳳雛載以瑤華之車飾以五
色之玉駕以赤象至於京師育於靈禽之苑飲以瓊漿飴以雲實工物皆出上元仙方鳳初至
之時毛色文彩彪發及成王封泰山禪社首之後文彩炳耀中國飛走之類不復喧鳴咸服神

禽之遠至也及成王崩沖飛而去六年燃丘之國獻比翼鳥雌雄各一以玉爲樊其國使者皆拳頭尖鼻衣雲霞之布如今朝霞也經歷百有餘國方至京師其中路山川不可記越鐵峴泛沸海蛇洲蜂峯經塗十五餘年乃至洛邑成王封泰山禪社首使發其國之時並童稚至京師鬚皆白及還至燃丘容貌還復少壯比翼鳥多力狀如鵲銜南海之丹泥巢崑崙之玄水遇聖則來集以表周公輔聖之祥異也○此等迂誕之甚

史記詩云紂在位文王受命政不及泰山武王克殷二年天下未寧而崩爰周德之洽維成王成王之封禪則近之矣

詩常棣之華鄂不韡韡凡今之人莫如兄弟死喪之威兄弟孔懷原隰裒矣兄弟求矣脊令在原兄弟急難每有良朋況也永歎兄弟鬩于牆外禦其務每有良朋烝也無戎喪亂既平既安且寧雖有兄弟不如友生儼爾籩豆飲酒之飫兄弟既具和樂且孺妻子好合如鼓瑟琴兄弟既翕和樂且湛宜爾室家樂爾妻帑是究是圖亶其然乎

詩序棠棣燕兄弟也閔管蔡之失道故作常棣焉
韓詩序大棣燕兄弟也閔管蔡之失道也○鄭譜云文